

(9)

ऋषिः गोतमः राहूगणः	छन्दः पङ्क्तिः	देवता इन्द्रः
--------------------	----------------	---------------

इन्द्रो मदाय वावृधे शर्वसे वृत्रहा नृभिः	
तमिन्महत्स्वाजिषूतेमर्भे हवामहे स वाजेषु प्र नोऽविषत्	॥ 1 ॥
असि हि वीरु सेन्योऽसि भूरि परादुदिः	
असि द्रुभ्रस्य चिद्वधो यजमानाय शिक्षसि सुन्वते भूरि ते वसु	॥ 2 ॥
यदुदीरत आजयो धृष्णवे धीयते धना	
युक्त्वा मद्दुच्युता हरी कं हनुः कं वसौ दधोऽस्मां इन्द्र वसौ दधः	॥ 3 ॥
क्रत्वा म्हां अनुष्णधं भीम आ वावृधे शर्वः	
श्रिय ऋष्व उपाकयोनि शिप्री हरिवान्दधे हस्तयोर्वज्रमायसम्	॥ 4 ॥
आ पप्रौ पार्थिवं रजो बद्धधे रोचना दिवि	
न त्वावां इन्द्र कश्चन न जातो न जनिष्यतेऽति विश्वं ववक्षिथ	॥ 5 ॥
यो अर्यो मर्तभोजनं पराददाति दाशुषे	
इन्द्रो अस्मभ्यं शिक्षतु वि भजा भूरि ते वसु भक्षीय तव राधसः	॥ 6 ॥
मदैमदे हि नो ददिर्युथा गवामृजुक्रतुः ।	
सं गृभाय पुरू शतोभयाहस्त्या वसु शिशीहि राय आ भर	॥ 7 ॥
मादयस्व सुते सचा शर्वसे शूर राधसे	
विद्या हि त्वा पुरूवसुमुप कामान्ससृज्महेऽथा नोऽविता भव	॥ 8 ॥
एते तं इन्द्र जन्तवो विश्वं पुष्यन्ति वार्यम्	
अन्तर्हि ख्यो जनानामर्यो वेदो अदाशुषां तेषां नो वेद आ भर	॥ 9 ॥

(6)

ऋषिः गोतमः राहूगणः	छन्दः पङ्क्तिः 1-5, जगती 6	देवता इन्द्रः
--------------------	----------------------------	---------------

उपो षु शृणुही गिरो मघवन्मातथाइव। यदा नः सूनृतावतः कर् आदर्थयास् इद्योजा न्विन्द्र ते हरी ॥1॥	
अक्षन्नमीमदन्त ह्यव प्रिया अधूषत।अस्तोषत् स्वभानवो विप्रा नविष्टया मृती योजा न्विन्द्र ते हरी ॥2 ॥	
सुसंहशं त्वा वयं मघवन्वन्दिषीमहि।प्र नूनं पूर्णवन्धुरः स्तुतो याहि वशां अनु योजा न्विन्द्र ते हरी ॥3॥	
स घा तं वृषणं रथमधि तिष्ठाति गोविदम्	
यः पात्रं हारियोजनं पूर्णमिन्द्र चिकेतति योजा न्विन्द्र ते हरी	॥ 4 ॥
युक्तस्तै अस्तु दक्षिण उत सव्यः शतक्रतो	
तेन जायामुप प्रियां मन्दानो याह्यन्धसो योजा न्विन्द्र ते हरी	॥ 5 ॥
युनज्मि ते ब्रह्मणा केशिना हरी उप प्र याहि दधिषे गर्भस्त्योः	
उत्वा सुतासो रभसा अमन्दिषुः पूषण्वान्वञ्जिन्त्समु पल्यामदः	॥ 6 ॥

(6)

ऋषिः गोतमः राहूगणः	छन्दः जगती	देवता इन्द्रः
--------------------	------------	---------------

अश्वावति प्रथमो गोषु गच्छति सुप्रावीरिन्द्र मर्त्यस्तवोतिभिः	
तमित्पृणक्षि वसुना भवीयसा सिन्धुमापो यथाभितो विचेतसः	॥ 1 ॥

आपो न देवीरुपं यन्ति होत्रियमवः पश्यन्ति विततं यथा रजः	
प्राचैर्देवासः प्र णयन्ति देव्युं ब्रह्मप्रियं जोषयन्ते व्राड्व	2
अधि द्वयोरदधा उक्थ्यं वचो यतस्रुचा मिथुना या संपर्यतः	
असंयत्तो व्रते तै क्षेति पुष्यति भद्रा शक्तिर्यजमानाय सुन्वते	3
आदङ्गिराः प्रथमं दधिरे वयं इद्धाग्रयः शम्या ये सुकृत्या	
सर्वं पुणेः समविन्दन्त भोजनमश्वावन्तं गोमन्तमा पशुं नरः	4
यज्ञैरथर्वा प्रथमः पथस्तते ततः सूर्यो व्रतपा वेन आर्जनि	
आ गा आजदुशना काव्यः सचा यमस्य जातममृतं यजामहे	5
बर्हिर्वा यत्स्वपत्याय वृज्यतेऽको वा श्लोकमाघोषते दिवि	
ग्रावा यत्र वदति कारुरुक्थ्यंस्तस्येदिन्द्रो अभिपित्वेषु रण्यति	6

(20)

84

(म.1, अनु.13)

ऋषिः गोतमः राहूगणः	छन्दः अनुष्टुप् 1-6, उष्णिक 7-9, पङ्क्तिः 10-12, गायत्री 13-15,
	त्रिष्टुप् 16-18, बृहती 19, सतोबृहती 20
	देवता इन्द्रः

असावि सोमं इन्द्र ते शविष्ठ धृष्णवा गंहि । आ त्वां पृणक्त्विन्द्रियं रजः सूर्यो न रुश्मिभिः	1
इन्द्रमिद्धरीं वहतोऽप्रतिधृष्टशवसम् । षीणां च स्तुतीरुपं यज्ञं च मानुषाणाम्	2
आ तिष्ठ वृत्रहन्त्रथं युक्ता ते ब्रह्मणा हरीं । अर्वाचीनं सु ते मनो ग्रावा कृणोतु वृष्टना	3
इममिन्द्र सुतं पिब ज्येष्ठममर्त्यं मदम् । शुक्रस्य त्वाभ्यक्षरन्धारा ऋतस्य सार्दने	4
इन्द्राय नूनमर्चतोक्थानि च ब्रवीतन । सुता अमत्सुरिन्दवो ज्येष्ठं नमस्यता सहः	5
नकिष्ट्वद्वितीतरो हरी यदिन्द्र यच्छसे । नकिष्ट्वानु मज्मना नकिः स्वश्व आनशे	6
य एक इद्विदयते वसु मर्तीय दाशुषे । ईशानो अप्रतिष्कृत इन्द्रो अङ्ग	7
कदा मर्तमराधसं पदा क्षुम्पामिव स्फुरत् । कदा नः शुश्रवद्भिर इन्द्रो अङ्ग	8
यश्चिद्धि त्वा बहुभ्य आ सुतावाँ आविवासति	
उग्रं तर्पत्यते शव इन्द्रो अङ्ग	9
स्वादोरित्था विषूवतो मध्वः पिबन्ति गौर्यैः	
या इन्द्रेण स्यावरीर्वृष्णा मदन्ति शोभसे वस्वीरनु स्वराज्यम्	10
ता अस्य पशनायुवः सोमं श्रीणन्ति पृश्रयः	
प्रिया इन्द्रस्य धेनवो वज्रं हिन्वन्ति सायकं वस्वीरनु स्वराज्यम्	11
ता अस्य नमसा सहः सपर्यन्ति प्रचैतसः	
व्रतान्यस्य सश्चिरे पुरुणि पूर्वचित्तये वस्वीरनु स्वराज्यम्	12
इन्द्रो दधीचो अस्थभिर्वृत्राण्यप्रतिष्कृतः । जघान नवतीर्नव	13
इच्छन्नश्वस्य यच्छिरः पर्वतेष्वपश्रितम् । तद्विदच्छर्यणावति	14
अत्राह गोरमन्वत् नाम त्वष्टुरपीच्यम् । इत्था चन्द्रमसो गृहे	15
को अद्य युङ्क्ते धुरि गा ऋतस्य शिमीवतो भामिनो दुर्हणायून्	
आसन्निषून्हृत्स्वसो मयोभून्य एषां भृत्यामृणधत्स जीवात्	16

क ईषते तुज्यते को बिभायु को मंसते सन्तमिन्द्रं को अन्ति	
कस्तोकायु क इभायोत रायेऽधि ब्रवत्तन्वेऽरे को जनाय	॥ 17 ॥
को अग्निमीष्टे हविषा घृतेन सुचा यजाता ऋतुभिर्ध्रुवेभिः	
कस्मै देवा आ वहानाशु होम् को मंसते वीतिहोत्रः सुदेवः	॥ 18 ॥
त्वमङ्ग प्र शंसिषो देवः शविष्ट मर्त्यम् ।	
न त्वदन्यो मघवन्नस्ति मर्दितेन्द्र ब्रवीमि ते वचः	॥ 19 ॥
मा ते राधांसि मा त ऊतयो वसोऽस्मान्कदा चना दभन्	
विश्वा च न उपमिमीहि मानुष वसूनि चर्षणिभ्य आ	॥ 20 ॥

(12)

85

(म.1, अनु.14)

ऋषिः गोतमः राहूगणः

छन्दः जगती 1-4,6-11, त्रिष्टुप् 5,12

देवता मरुतः

प्र ये शुम्भन्ते जनयो न सप्तयो यामनुद्रस्य सूनवः सुदंससः	
रोदसी हि मरुतश्चक्रिरे वृधे मदन्ति वीरा विदथेषु घृष्वयः	॥ 1 ॥
त उक्षितासौ महिमानमाशत दिवि रुद्रासो अधि चक्रिरे सदः	
अर्चन्तो अर्कं जनयन्त इन्द्रियमधि श्रियो दधिरे पृश्निमातरः	॥ 2 ॥
गोमातरो यच्छुभयन्ते अञ्जिभिस्तनूषु शुभ्रा दधिरे विरुक्मतः	
बाधन्ते विश्वमभिमातिनमप वत्मान्येषामनु रीयते घृतम्	॥ 3 ॥
वि ये भ्राजन्ते सुमखास ऋष्टिभिः प्रच्यावयन्तो अच्युता चिदोर्जसा	
मनोजुवो यन्मरुतो रथेष्व्वा वृषत्रतासुः पृषतीरयुग्ध्वम्	॥ 4 ॥
प्र यद्रथेषु पृषतीरयुग्ध्वं वाजे अर्द्रि मरुतो रंहयन्तः	
उतारुषस्य वि ष्यन्ति धाराश्चमेवोदभिव्युन्दन्ति भूम	॥ 5 ॥
आ वा वहन्तु सप्तयो रघुष्यदो रघुपत्वानुः प्र जिगात बाहुभिः	
सीदता बर्हिरुरु वः सदस्कृतं मादयध्वं मरुतो मध्वो अन्धसः	॥ 6 ॥
तेऽवर्धन्त स्वतवसो महित्वना नाकं तस्थुरु चक्रिरे सदः	
विष्णुर्यद्भावद्वृषणं मदच्युतं वयो न सीदन्नधि बर्हिषि प्रिये	॥ 7 ॥
शूराइवेद्युधयो न जग्मयः श्रवस्यवो न पृतनासु येतिरे	
भयन्ते विश्वा भुवना मरुद्भ्यो राजानइव त्वेषसंष्टशो नरः	॥ 8 ॥
त्वष्टा यद्वज्रं सुकृतं हिरण्ययं सहस्रभृष्टिं स्वपा अवर्तयत्	
धत्त इन्द्रो नर्यपांसि कर्तवेऽहन्वृत्रं निरपामौब्जदर्णवम्	॥ 9 ॥
ऊर्ध्वं नुनुरेऽवृतं त ओर्जसा दादृहाणं चिद्विभिदुर्वि पर्वतम्	
धर्मन्तो वाणं मरुतः सुदानवो मदे सोमस्य रण्यानि चक्रिरे	॥ 10 ॥
जिह्वं नुनुरेऽवृतं तथा दिशासिञ्चुत्सं गोतमाय तृष्णजे	
आ गच्छन्तीमवसा चित्रभानवः कामं विप्रस्य तर्पयन्त धामभिः	॥ 11 ॥
या वः शर्म शशमानाय सन्ति त्रिधातूनि दाशुषे यच्छताधि	
अस्मभ्यं तानि मरुतो वि यन्त रयिं नो धत्त वृषणः सुवीरम्	॥ 12 ॥

(10)

86

(म.1, अनु.14)

ऋषिः गोतमः राहूगणः

छन्दः गायत्री

देवता मरुतः

मरुतो यस्य हि क्षये पाथा दिवो विमहसः । स सुगोपातमो जनः	॥ 1 ॥
यज्ञैर्वा यज्ञवाहसो विप्रस्य वा मतीनाम् । मरुतः शृणुता हवम्	॥ 2 ॥
उत वा यस्य वाजिनोऽनु विप्रमतक्षत । स गन्ता गोमति वृजे	॥ 3 ॥
अस्य वीरस्य बर्हिषि सुतः सोमो दिविष्टिषु । उक्थं मदश्च शस्यते	॥ 4 ॥
अस्य श्रोषन्त्वा भुवो विश्वा यश्चर्षणीरभि । सूरं चित्सस्रुषीरिषः	॥ 5 ॥
पूर्वाभिर्हि ददाशिम शरद्धर्मरुतो व्यम् । अवोभिश्चर्षणीनाम्	॥ 6 ॥
सुभगः स प्रयज्यवो मरुतो अस्तु मर्त्यः । यस्य प्रयांसि पर्वथ	॥ 7 ॥
शशमानस्य वा नरः स्वेदस्य सत्यशवसः । विदा कामस्य वेनतः	॥ 8 ॥
यूयं तत्सत्यशवस आविष्कर्त महित्वना । विध्यता विद्युता रक्षः	॥ 9 ॥
गूहता गुह्यं तमो वि यात विश्वमत्रिणम् । ज्योतिष्कर्ता यदुश्मसि	॥ 10 ॥

(6)

87

(म.1, अनु.14)

ऋषिः गोतमः राहूगणः

छन्दः जगती

देवता मरुतः

प्रत्वक्षसः प्रतवसो विरुष्णिनोऽनानता अविथुरा ऋजीषिणः	
जुष्टमासो नृत्मासो अञ्जिभिव्यान्त्रे के चिदुस्त्राडव स्तृभिः	॥ 1 ॥
उपह्वरेषु यदचिध्वं ययिं वयंइव मरुतः केन चित्पथा	
श्रोतन्ति कोशा उप वो रथेष्व्वा घृतमुक्षता मधुवर्णमर्चते	॥ 2 ॥
प्रेषामज्मेषु विथुरेवं रेजते भूमिर्यामेषु यद्ध युञ्जते शुभे	
ते क्रीळयो धुनयो भ्राजदृष्टयः स्वयं महित्वं पनयन्त धृतयः	॥ 3 ॥
स हि स्वसृत्पृषदश्चो युवा गृणोऽया ईशानस्तविषीभिरावृतः	
असि सत्य ऋणयावानेद्योऽस्या धियः प्राविताथा वर्षा गृणः	॥ 4 ॥
पितुः प्रत्वस्य जन्मना वदामसि सोमस्य जिह्वा प्र जिगाति चक्षसा	
यदीमिन्द्रं शम्यृक्काण आशतादिनामानि यज्ञियानि दधिरे	॥ 5 ॥
श्रियसे कं भानुभिः सं मिमिक्षिरे ते रश्मिभिस्त ऋक्भिः सुखादयः	
ते वाशीमन्त इष्मिणो अभीरवो विद्रे प्रियस्य मरुतस्य धाम्नः	॥ 6 ॥

(6)

88

(म.1, अनु.14)

ऋषिः गोतमः राहूगणः

छन्दः प्रस्तारपङ्क्तिः 1,6, त्रिष्टुप् 2-4, विराडूपा 5

देवता मरुतः

आ विद्युन्मद्धर्मरुतः स्वके रथेभिर्यात ऋष्टिमद्धिरश्वपर्णेः	
आ वर्षिष्ठया न इषा वयो न पतता सुमायाः	॥ 1 ॥
तेऽरुणोभिवरमा पिशङ्गैः शुभे कं यान्ति रथतूर्भिरश्वैः	
रुक्मो न चित्रः स्वधितीवान्पुव्या रथस्य जङ्घनन्त भूम	॥ 2 ॥
श्रिये कं वो अधि तनूषु वाशीमैधा वना न कृणवन्त ऊर्ध्वा	
युष्मभ्यं कं मरुतः सुजातास्तुविद्युन्नासौ धनयन्ते अद्रिम्	॥ 3 ॥

अहानि गृध्राः पर्या व आगुरिमां धियं वार्कार्या च देवीम् |
 ब्रह्म कृण्वन्तो गोतमासो अर्केरूर्ध्वं नुनुद्र उत्सृधि पिबध्ये || 4 ||
 एतत्त्यन्न योजनमचेति सूस्वर्ह यन्मरुतो गोतमो वः |
 पश्यन्हिरण्यचक्रानयोदंष्ट्रान्विधावतो वराहून् || 5 ||
 एषा स्या वो मरुतोऽनुभर्त्री प्रति षोभति वाघतो न वाणी |
 अस्तोभयद्वथासामनु स्वधां गभस्त्योः || 6 ||

(10)

89

(म.1, अनु.14)

ऋषिः गोतमः राहूगणः छन्दः जगती 1-5,7, विराट्स्थाना 6, त्रिष्टुप् 8-10 देवता विश्वे देवाः 1-7,
 देवाः 8-9, अदितिः 10

आ नो भद्राः क्रतवो यन्तु विश्वतोऽदब्धासो अपरीतास उद्भिदः |
 देवा नो यथा सद्मिद्वधे असन्नप्रायुवो रक्षितारो दिवेदिवे || 1 ||
 देवानां भद्रा सुमतिर्ऋजूयतां देवानां रातिरभि नो नि वर्तताम् |
 देवानां सख्यमुप सेदिमा वयं देवा न आयुः प्र तिरन्तु जीवसे || 2 ||
 तान् पूर्वया निविदा हूमहे वयं भगं मित्रमदितिं दक्षमस्त्रिधम् |
 अर्यमणं वरुणं सोममश्विना सरस्वती नः सुभगा मयस्करत् || 3 ||
 तन्नो वातो मयोभु वातु भेषजं तन्माता पृथिवी तत्पिता द्यौः |
 तद् ग्रावाणः सोमसुतो मयोभुवस्तदश्विना शृणुतं धिष्यया युवम् || 4 ||
 तमीशानं जगतस्तस्थुषस्पतिं धियंजिन्वमवसे हूमहे वयम् |
 पूषा नो यथा वेदसामसद्वधे रक्षिता प्रायुरदब्धः स्वस्तये || 5 ||
 स्वस्ति न इन्द्रो वृद्धश्रवाः स्वस्ति नः पूषा विश्ववेदाः |
 स्वस्ति नस्तार्क्ष्यो अरिष्टनेमिः स्वस्ति नो बृहस्पतिर्दधातु || 6 ||
 पृषदश्वा मरुतः पृश्निमातरः शुभ्यावानो विदथेषु जग्मयः |
 अग्निजिह्वा मनवः सूरचक्षसो विश्वे नो देवा अवसा गमन्निह || 7 ||
 भद्रं कर्णेभिः शृणुयाम देवा भद्रं पश्येमाक्षभिर्यजत्राः |
 स्थिरैरङ्गैस्तुष्टुवांसस्तनूभिर्व्यशेम देवहितं यदायुः || 8 ||
 शतमिन्नु शरदो अन्ति देवा यत्रा नश्चक्रा जरसं तनूनाम् |
 पुत्रासो यत्र पितरो भवन्ति मा नो मध्या रीरिषतायुर्गन्तौः || 9 ||
 अदितिर्द्यौरदितिरन्तरिक्षमदितिर्माता स पिता स पुत्रः |
 विश्वे देवा अदितिः पञ्च जना अदितिर्जातमदितिर्जनित्वम् || 10 ||

ऋषिः गोतमः राहूगणः

छन्दः गायत्री 1-8, अनुष्टुप् 9

देवता विश्वे देवाः

ऋजुनीती नो वरुणो मित्रो नयतु विद्वान्	अर्यमा देवैः सजोषाः	1
ते हि वस्वो वसवानास्ते अप्रमूरा महोभिः	व्रता रक्षन्ते विश्वाहा	2
ते अस्मभ्यं शर्मं यंसन्नमृता मर्त्येभ्यः	बाधमाना अप द्विषः	3
वि नः पथः सुविताय चियन्त्विन्द्रो मरुतः	पूषा भगो वन्द्यासः	4
उत नो धियो गोअग्राः पूषन्विष्णवेवयावः	कर्ता नः स्वस्तिमतः	5
मधु वाता ऋतायते मधु क्षरन्ति सिन्धवः	माध्वीर्नः सन्त्वोषधीः	6
मधु नक्तमुतोषसो मधुमत्पार्थिवं रजः	मधु द्यौरस्तु नः पिता	7
मधुमात्रो वनस्पतिर्मधुमाँ अस्तु सूर्यः	माध्वीर्गावो भवन्तु नः	8
शं नो मित्रः शं वरुणः शं नो भवत्वयमा		
शं न इन्द्रो बृहस्पतिः शं नो विष्णुरुक्रमः		9

ऋषिः गोतमः राहूगणः

छन्दः त्रिष्टुप् 1-4, 18-23, गायत्री 5-16, उष्णिक 17

देवता सोमः

त्वं सोम प्र चिकितो मनीषा त्वं रजिष्ठमनु नेषि पन्थाम्		
तव प्रणीती पितरो न इन्दो देवेषु रत्नमभजन्त धीराः		1
त्वं सोम क्रतुभिः सुक्रतुर्भूस्त्वं दक्षैः सुदक्षो विश्ववेदाः		
त्वं वृषा वृषत्वेभिर्महित्वा द्युम्नेभिर्द्युम्नभवो नृचक्षाः		2
राज्ञो नु ते वरुणस्य व्रतानि बृहद्भीरं तव सोम धाम		
शुचिष्टमसि प्रियो न मित्रो दक्षाय्यो अर्यमेवासि सोम		3
या ते धामानि दिवि या पृथिव्यां या पर्वतेष्वोषधीष्वप्सु		
तेभिर्नो विश्वैः सुमना अहैः नराजन्तसोम प्रति हव्या गृभाय		4
त्वं सोमासि सत्पतिस्त्वं राजोत वृत्रहा	त्वं भद्रो असि क्रतुः	5
त्वं च सोम नो वशो जीवातुं न मरामहे	प्रियस्तोत्रो वनस्पतिः	6
त्वं सोम महे भगं त्वं यूनं ऋतायते	दक्षं दधासि जीवसे	7
त्वं नः सोम विश्वतो रक्षा राजन्नघायतः	न रिष्येत्त्वावतः सखा	8
सोम यास्तै मयोभुव ऊतयः सन्ति दाशुषे	ताभिर्नोऽविता भव	9
इमं यज्ञमिदं वचो जुजुषाण उपागहि	सोम त्वं नो वृधे भव	10
सोम गीर्भिष्टा वयं वर्धयामो वचोविदः	सुमृळीको न आ विश	11
गयस्फानो अमीवहा वसुवित्पुष्टिवर्धनः	सुमित्रः सोम नो भव	12
सोम रारन्धि नो हृदि गावो न यवसेष्वा	मर्यं इव स्व ओक्ये	13
यः सोम सख्ये तव रारणद्वेव मर्त्यैः	तं दक्षः सचते क्विः	14

उरुष्या णो अभिशस्तेः सोम नि पाह्यंहसः	सखा सुशेव एधि नः	॥ 15 ॥
आ प्यायस्व समेतु ते विश्वतः सोम वृष्यम्	भवा वाजस्य संगुथे	॥ 16 ॥
आ प्यायस्व मदिन्तम् सोम विश्वेभिरंशुभिः	भवा नः सुश्रवस्तम्ः सखा वृधे	॥ 17 ॥
सं ते पर्यांसि समु यन्तु वाजाः सं वृष्यान्यभिमातिषाहः		
आप्यायमानो अमृताय सोम दिवि श्रवांस्युत्तमानि धिष्व		॥ 18 ॥
या ते धामानि हविषा यजन्ति ता ते विश्वा परिभूरस्तु यज्ञम्		
गयस्फानः प्रतरणः सुवीरोऽवीरहा प्र चरा सोम दुर्यान्		॥ 19 ॥
सोमो धेनुं सोमो अर्वन्तमाशुं सोमो वीरं कर्मण्यं ददाति		
सादन्यं विदथ्यं सभेयं पितृश्रवणं यो ददाशदस्मै		॥ 20 ॥
अषाहं युत्सु पृतनासु परि स्वर्षामप्सां वृजनस्य गोपाम्		
भुरेषुजां सुक्षितिं सुश्रवसं जयन्तं त्वामनु मदेम सोम		॥ 21 ॥
त्वमिमा ओषधीः सोम विश्वास्त्वम्पो अजनयस्त्वं गाः		
त्वमा ततन्थोर्वशन्तरिक्षं त्वं ज्योतिषा वि तमो ववर्थ		॥ 22 ॥
देवेन नो मनसा देव सोम रायो भागं सहसावन्नभि युध्य		
मा त्वा तनदीशिषे वीर्यस्योभयैभ्यः प्र चिकित्सा गविष्टौ		॥ 23 ॥

(18)

92

(म.1, अनु.14)

ऋषिः गोतमः राहूगणः छन्दः जगती 1-4, त्रिष्टुप् 5-12, उष्णिक् 13-18 देवता उषाः 1-15, अश्विनौ 16-18
--

एता उ त्या उषसः केतुमक्रतु पूर्वे अर्धे रजसो भानुमञ्जते		
निष्कृण्वाना आयुधानीव धृष्णवः प्रति गावोऽरुषीर्यन्ति मातरः		॥ 1 ॥
उदपत्नन्नरुणा भानवो वृथा स्वायुजो अरुषीर्गा अयुक्षत		
अक्रन्नुषासो वयुनानि पूर्वथा रुशन्तं भानुमरुषीरशिश्रयुः		॥ 2 ॥
अर्चन्ति नारीरुपसो न विष्टिभिः समानेन योजनेना परावतः		
इषुं वहन्तीः सुकृते सुदानवे विश्वेदह यजमानाय सुन्वते		॥ 3 ॥
अधि पेशांसि वपते नृतूरिवापोर्णुते वक्ष उखेव बर्जहम्		
ज्योतिर्विश्वस्मै भुवनाय कृण्वती गावो न व्रजं व्युषा आवर्तमः		॥ 4 ॥
प्रत्यर्ची रुशदस्या अदर्शि वि तिष्ठते बाधते कृष्णमभ्वम्		
स्वरुं न पेशो विदथेष्वञ्जञ्जित्रं दिवो दुहिता भानुमश्रेत्		॥ 5 ॥
अतारिष्म तमसस्पारमस्योषा उच्छन्ती वयुना कृणोति		
श्रिये छन्दो न स्मयते विभाती सुप्रतीका सौमनसायाजीगः		॥ 6 ॥
भास्वती नेत्री सूनृतानां दिवः स्तवे दुहिता गोतमेभिः		
प्रजावतो नृवतो अश्वबुध्यानुषो गोअग्रं उप मासि वाजान्		॥ 7 ॥
उषस्तमश्यां यशसं सुवीरं दासप्रवर्गं रयिमश्वबुध्यम्		
सुदंससा श्रवसा या विभासि वाजप्रसूता सुभगे बृहन्तम्		॥ 8 ॥
विश्वानि देवी भुवनाभिचक्ष्यां प्रतीची चक्षुरुर्विया वि भाति		

विश्वं जीवं चरसें बोधयन्ती विश्वस्य वाचमविदन्मनायोः	॥ 9 ॥
पुनःपुनर्जायमाना पुराणी समानं वर्णमभि शुम्भमाना	
श्वघ्नीव कृत्तुर्विजं आमिनाना मर्तस्य देवी जरयन्त्यायुः	॥ 10 ॥
व्यूर्ण्वती दिवो अन्तां अबोध्यप् स्वसारं सनुतर्युयोति	
प्रमिनती मनुष्या युगानि योषां जारस्य चक्षसा वि भाति	॥ 11 ॥
पशून् चित्रा सुभगा प्रथाना सिन्धुर्न क्षोद उर्विया व्यश्नैत्	
अमिनती दैव्यानि व्रतानि सूर्यस्य चेति रश्मिभिर्दृशाना	॥ 12 ॥
उष्टस्त्रिचित्रमा भरास्मभ्यं वाजिनीवति	येनं तोकं च तनयं च धामहे
उषो अद्येह गोमृत्यश्वावति विभावरि	रेवदस्मे व्युच्छ सूनृतावति
युक्ष्वा हि वाजिनीवृत्यश्वां अद्यारुणां उषः	अथा नो विश्वा सौभगान्या वह
अश्विना वर्तिरस्मदा गोमदस्त्रा हिरण्यवत्	अर्वाग्रथं समनसा नि यच्छतम्
यावित्था श्लोकमा दिवो ज्योतिर्जनाय चक्रथुः	आ न ऊर्जं वहतमश्विना युवम्
एह देवा मयोभुवा दुस्त्रा हिरण्यवर्तनी	उष्टर्बुधो वहन्तु सोमपीतये

(12)

93

(म.1, अनु.14)

ऋषिः गोतमः राहूगणः	छन्दः अनुष्टुप् 1-3, त्रिष्टुप् 4-7,12, जगती त्रिष्टुप् वा 8, गायत्री 9-11
देवता अग्नीषोमौ	

अग्नीषोमाविमं सु मे शृणुतं वृषणा हवम् । प्रति सूक्तानि हर्यतं भवतं दाशुषे मयः	॥ 1 ॥
अग्नीषोमा यो अद्य वामिदं वचः सपर्यति । तस्मै धत्तं सुवीर्यं गवां पोषं स्वश्व्यम्	॥ 2 ॥
अग्नीषोमा य आहुतिं यो वां दाशाद्धविष्कृतिम् । स प्रजया सुवीर्यं विश्वमायुर्व्यश्रवत्	॥ 3 ॥
अग्नीषोमा चेति तद्वीर्यं वां यदमुष्णीतमवसं पुणि गाः	
अवातिरतं बृसयस्य शेषोऽविन्दतं ज्योतिरेकं भाहुभ्यः	॥ 4 ॥
युवमेतानि दिवि रौचनान्यग्निश्च सोम सक्रतू अधत्तम्	
युवं सिन्धूरभिर्शस्तेरवद्यादग्नीषोमावमुञ्चतं गृभीतान्	॥ 5 ॥
आन्यं दिवो मातरिश्वा जभारामश्रादन्यं परि श्येनो अद्रैः	
अग्नीषोमा ब्रह्मणा वावृधानोरुं यज्ञाय चक्रथुरु लोकम्	॥ 6 ॥
अग्नीषोमा हविषः प्रस्थितस्य वीतं हर्यतं वृषणा जुषेथाम्	
सुशर्माणा स्ववसा हि भूतमथा धत्तं यजमानाय शं योः	॥ 7 ॥
यो अग्नीषोमा हविषा सपर्याद्वैवद्रीचा मनसा यो घृतेन	
तस्य व्रतं रक्षतं पातमंहसो विशे जनाय महि शर्म यच्छतम्	॥ 8 ॥
अग्नीषोमा सवेदसा सहृती वनतं गिरः । सं देवत्रा बभूवथुः	॥ 9 ॥
अग्नीषोमावनेन वां यो वां घृतेन दाशति । तस्मै दीदयतं बृहत्	॥ 10 ॥
अग्नीषोमाविमानि नो युवं हव्या जुजोषतम् । आ यातमुप नः सचा	॥ 11 ॥

अग्नीषोमा पिपृतमर्वतो न आ प्यायन्तामुस्त्रिया हव्यसूदः
अस्मे बलानि मघवत्सु धत्तं कृणुतं नो अध्वरं श्रुष्टिमन्तम्

|| 12 ||

(16)

94

(म.1, अनु.15)

ऋषिः कुत्सः आङ्गिरसः छन्दः जगती 1-14, त्रिष्टुप् 15-16 देवता अग्निः

इमं स्तोममर्हते जातवेदसे रथमिव सं महेमा मनीषया
भद्रा हि नः प्रमतिरस्य संसद्यग्रै सख्ये मा रिषामा वयं तव || 1 ||
यस्मै त्वमायजसे स साधत्यनुवा क्षेति दधते सुवीर्यम्
स तूताव नैनमश्रोत्यंहतिरग्रै सख्ये मा रिषामा वयं तव || 2 ||
शकेम त्वा समिधं साधया धियुस्त्वे देवा हविरदन्त्याहुतम्
त्वमादित्याँ आ वह तान्ह्युश्मस्यग्रै सख्ये मा रिषामा वयं तव || 3 ||
भरामेधं कृणवामा हवीषि ते चितयन्तः पर्वणापर्वणा वयम्
जीवातवे प्रतुरं साधया धियोऽग्रै सख्ये मा रिषामा वयं तव || 4 ||
विशां गोपा अस्य चरन्ति जन्तवो द्विपञ्च यदुत चतुष्पदकुभिः
चित्रः प्रकेत उषसो म्हाँ अस्यग्रै सख्ये मा रिषामा वयं तव || 5 ||
त्वमध्वर्युरुत होतासि पूर्व्यः प्रशास्ता पोता जनुषा पुरोहितः
विश्वा विद्वाँ आर्त्विज्या धीर पुष्यस्यग्रै सख्ये मा रिषामा वयं तव || 6 ||
यो विश्वतः सुप्रतीकः सदृङ्गसि दूरे चित्सन्तुळिदिवाति रोचसे
रात्र्याश्चिदन्धो अति देव पश्यस्यग्रै सख्ये मा रिषामा वयं तव || 7 ||
पूर्वो देवा भवतु सुन्वतो रथोऽस्माकं शंसो अभ्यस्तु दूढ्यः
तदा जानीतोत पुष्यता वचोऽग्रै सख्ये मा रिषामा वयं तव || 8 ||
वधैर्दुःशंसाँ उप दूढ्यो जहि दूरे वा ये अन्ति वा के चिदत्रिणः
अथा यज्ञाय गृणते सुगं कृध्यग्रै सख्ये मा रिषामा वयं तव || 9 ||
यदयुक्था अरुषा रोहिता रथे वार्तजूता वृषभस्यैव ते रवः
आदिन्वसि वनिनो धूमकेतुनाग्रै सख्ये मा रिषामा वयं तव || 10 ||
अध स्वनादुत बिभ्युः पत्रिणो द्रप्सा यत्तै यवसादो व्यस्थिरन्
सुगं तत्तै तावकेभ्यो रथेभ्योऽग्रै सख्ये मा रिषामा वयं तव || 11 ||
अयं मित्रस्य वरुणस्य धार्यसेऽवयातां मरुतां हेळो अद्भुतः
मृळा सु नो भूत्वेषां मनः पुनरग्रै सख्ये मा रिषामा वयं तव || 12 ||
देवो देवानामसि मित्रो अद्भुतो वसुर्वसूनामसि चारुरध्वरे
शर्मन्त्स्याम् तव सप्रथस्तमेऽग्रै सख्ये मा रिषामा वयं तव || 13 ||
तत्तै भद्रं यत्समिद्धः स्वे दमे सोमाहुतो जरसे मृळयत्तमः

दधासि रत्नं द्रविणं च दाशुषेऽग्रे सुख्ये मा रिषामा वृयं तव ॥ 14 ॥
यस्मै त्वं सुद्रविणो ददाशोऽनागास्त्वमदिते सर्वताता |
यं भद्रेण शर्वसा चोदयासि प्रजावता राधसा ते स्याम ॥ 15 ॥
स त्वमग्रे सौभगत्वस्य विद्वानस्माकमायुः प्र तिरेह देव |
तन्नो मित्रो वरुणो मामहन्तामदितिः सिन्धुः पृथिवी उत द्यौः ॥ 16 ॥

| इति प्रथमाष्टके षष्ठोऽध्यायः समाप्तः ।